



23. juli 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Naalakkersuisut paasissutissiissutigisinnaavaat utoqqalinersiallit saniatigut suliffeqarnermikkut isertitaasa utoqqalinersianik ilanngaataasarnermut tunngavigineqartut inatsimmi aamma nalunaarummi aalajangersakkat suut atuunnersut?
2. Naalakkersuisut paasissutissiissutigisinnaavaat sooq saniatigut suliffeqarnermiit ukiumut isertitat 156.000 kr.-inut killilerneqarsimanersut aammalu killiliinermi naatsorsuutit imaluunniit Naalakkersuinikkut taamak aaliangiisimanermi suut tunngavigineqarsimanersut atorneqarsimanersullu?
3. Naalakkersuisut paasissutissiissutigisinnaavaat utoqqalinersiallit kisimiittut qassit 2023-mi, 2024-mi aamma 2025-mi ukiumut 156.000 kr.-init amerlanerusunik suliffeqarnermikkut isertitaqarsimanersut aammalu taakku utoqqalinersiaannit katillugit qanoq annertutigisumik ilanngaaffigineqarsimanersut?
4. Naalakkersuisut paasissutissiissutigisinnaavaat utoqqalinersiallit kisimiittut saniatigut suliffeqarnermikkut isertitaat ima agguataarneqartut qassiunersut:
 - a) 0 – 50.000 kr.
 - b) 50.001 – 100.000 kr.
 - c) 100.001 – 156.000 kr.
 - d) 156.000 kr.-init amerlanerusut
5. Naalakkersuisut paasissutissiissutigisinnaavaat utoqqalinersiallit kisimiittunut ukiumut isertitarisinnaasap 156.000 kr.-imut killilerneqarneranut atatillugu naatsorsuisimanerit kiisalu politikikkut nalilersooritit suut atorsimaneraat?
6. Naalakkersuisut paasissutissiissutigisinnaavaat utoqqalinersiallit aappallit qassit 2023-mi, 2024-mi aamma 2025-mi ukiumut 183.000 kr.-init amerlanerusunik suliffeqarnermikkut isertitaqarsimanersut aammalu taakku utoqqalinersiaannit katillugit qanoq annertutigisumik ilanngaaffigineqarsimanersut?
7. Naalakkersuisut paasissutissiissutigisinnaavaat utoqqalinersiallit kisimiittut saniatigut suliffeqarnermikkut isertitaat ima agguataarneqartut qassiunersut:
 - a) 0 – 50.000 kr.
 - b) 50.001 – 100.000 kr.
 - c) 100.001 – 150.000 kr.
 - d) 150.001 kr.- 183.000 kr.
 - e) 183.000 kr.-init amerlanerusut



8. Naalakkersuisut paasissutissiissutigisinnaavaat utoqqalinersiallit aappalinnut ukiumut isertitarisinnaasap 183.000 kr.-imut killilerneqarneranut atatillugu naatsorsuisimanerit kiisalu politikikkut nalilersoortit suut atorsimaneeraat?
9. Naalakkersuisut misissorsinikuuvaat maannakkut killiliussaq tunngavigalugu utoqqalinersiallit saniatigut sulinerminni sivikinnerusumik imaluunniit ilanngaaffigineqannginniassagamik sulinerminnik unitsisariaqartarsimanersut?
10. Naalakkersuisut naatsorsuusiornikuuvaat suliffeqarnermiit isertitanik ilanngaaneq tamakkiisumik ilaannakortumilluunniit atorunnaarsinneqassagualuarpas tamanna inuiaqatigiinnut aningaasaqarnikkut qanoq kinguneqassanersoq?
11. Naalakkersuisut sulissutigerusuppaat suliffeqarnermiit isertitanut killiliussap qaffanneqarnissaanut imaluunniit tamakkiisumik atorunnaarsinneqarnissaanut, taamaaliornikkut utoqqalinersiallit amerlanerusut inuiaqatigiinnut suli suliffeqarnermikkut tunniussaqaarsinnaanissaat, utoqqalinersiutaaniit ilanngaaffigineqanngikkualarlutik?
12. Naalakkersuisut paasissutissiissutigisinnaavaat utoqqalinersiallit qassit 2023-mi, 2024-mi aamma 2025-mi utoqqalinersiami saniatigut suliffeqarnerminnit akissarsiaqaarsimanersut?
13. Naalakkersuisut paasissutissiissutigisinnaavaat ukiuni taakkunani utoqqalinersiallit suliffeqarnerminnit akissarsiaasa katillugit qanoq annertutigisimatiginersut?
14. Naalakkersuisut paasissutissiissutigisinnaavaat, utoqqalinersiaqarneq pillugu Namminersorlutik Oqartussat nalunaarutaattaanni § 10 naapertorlugu utoqqalinersianiit ilanngaaneq ukiumut katillugu qanoq annertutigisimatiginersoq?
15. Naalakkersuisut paasissutissiissutigisinnaavaat utoqqalinersiuteqarnermut nalunaarut tunngavigalugu ataasiakkaarlugit agguaqatigiissillugu qanoq annertutigisumik ilanngaaffigineqartarsimatiginersut?
16. Naalakkersuisut naatsorsorsinnaavaat isertitanut killiliussat ukuusut qaffanneqaraluarpat Nunatta Karsianut qanoq aningaasaqarnikkut kinguneqassanersoq:
 - a) 200.000 kr.
 - b) 250.000 kr.
 - c) 300.000 kr.
 - d) 350.000 kr.
17. Naalakkersuisut naatsorsornikuuvaat suliffeqarnermit isertitat utoqqalinersianut ilanngaavigineqartarnerat tamakkiisumik allanngortinneqaraluarpat imaluunniit atorunnaarsinneqaraluarpat Nunatta Karsianut qanoq aningaasaqarnikkut kinguneqassanersoq?
18. Naalakkersuisut nalilersinnaavaat aningaasartuutit qaffariaataasa ilaa utoqqalinersiallit suliffeqaannarnermikkut akileraarutitigut isertitat amerlanerulernerisigut qanoq annertutigisumik matussuserneqaarsinnaassanersut?
19. Naalakkersuisut paasissutissiissutigisinnaavaat nunatsinni suliffeqarfiit sulisussaqaannginnerminni atorfiit nalunaarsorneqaarsimasut inuussutissarsiornermi immikkoortukkaarlugit qanoq amerlatiginersut, aammalu nalilersinnaavaat



**utoqqalinersiallit amerlanerusut suliffeqaannarnissaat pippat avataaniit
sulissarsiornermik pisariaqartitsineramik annikillisinnaanera?**

**20. Naalakkersuisut 2019-mi isertitanut killiliussap qaffanneqarnerata kingorna
nalilersuikuuppat allannguutip utoqqalinersiallit amerlanerusut suliffeqaannarnannut
sunniuteqarsimanera pillugu? Taamaassimappat nalilersuineq Inatsisartunut
saqqummiuteqquneqarpoq.**

(Inatsisartunut ilaasortaq Erik Jensen, Siumut)

Tunngavilersuut:

Kalaallit Nunaanni ukiuni makkunani utoqqalinersiallit peqqissorpassuupput, misilittagaqartuupput aamma suliffeqarfinni nukittuumik ingerlatseqataanissamut piomassuseqartorpassuullutik. Ajorluartumilli ullumikkut inatsisit aporfilersuileqqapput, isertitsissutaasinnaasullu qilaalernerqarsimanera anguneqaraangat utoqqalinersiaqarnermi saniatigut suleqataarusukkaluartut aporfilersorneqarput, naak suliffeqarfippassuarni pisortani aammalu inuussutissarsiorlut namminersortut akornanni sulisussanik amigaateqarneq annertusiartuinnaraluartoq.

Piffissami nunatsinni sulisussanik amigaateqarfitsinni aammalu tamatumap annertusiartuinnarnerani kiisalu sulisunik avataaneersunik atorfinitsitsisarnerup annertusiartornerani eqqarsaatigalugu, pissusissamisuussaaq nalilersussallugu maleruagassat atuuttut politikkikkut anguniarneqartut, tassa sulisinnaasut nunatsinneersut amerlanerulernissaat, imminut napatissinnaanerup nukittorsarneqarnissaa kiisalu inuiaqatigiinni aningaasaqarnikkut piujuartitsineq, annertunerusumik tapersersornerqarnissaa.

Inatsisartut siusinnerusukkut utoqqalinersiallit isertitaannut killiliussaq qaffannikuuaat, utoqqalinersiallit amerlanerusut suliffeqaannarnissaat siunertaralugu. *Takuuk Utoqqalinersiaqarneq pillugu Inatsisartut inatsisaat pillugu Namminersorlutik Oqartussat inatsimmik nalunaarutaat.* Taamaattumik pissusissamisuussaaq nalilersoeqqissaartoqarnissaa allannguinerup malitsigisaanik ineriartorneq qanoq ingerlasimanersoq aammalu ullumikkut maleruagassat naleqqussaqqinneqarnissaat pisariaqartinneqarnersoq.

Taamaattumik § 37 naapertorlugu apeqqutit siunertaraat paasissutissanik, kisitsisinik kiisalu aningaasaqarnikkut paasissutissanik naammattunik katersinissaq, taamaalilluni Inatsisartut uppersarsaatinik tunngavilinnik aalajangiisinnaaniassammata. Ilaatigut kissaatigineqarpoq paasissutissat makku pissarsiarineqarnissaat: utoqqalinersiallit saniatigut suliffeqaannartut qanoq amerlatigineri, utoqqalinersianit ilanngaatigineqartartut qanoq annertutigineri, killiliussanik assigiinngitsunik allannguineri aningaasaqarnikkut sunniutissat kiisalu sulisussat amerlanerulernerisigut inuiaqatigiinnut iluanaarutaasinnaasut.

Paasissutissat taamaattut tunngavigalugit Inatsisartut nalilersorsinnaalissavaat maleruagassat atuuttut ullutsinnut naleqqunersut imaluunniit allanngortinneqassanersut, taamaaliornikkut



utoqqalinersiallit amerlanerusut inuiaqatigiinnut suliffeqarnikkut tunniussaqaarnissaat
periarfissinneqarsinnaaqqullugu aammalu sulisussanik avataaneersunik pisariaqartitsineq
annikillisarneqarsinnaaqqullugu.

Apeqqutigineqartut ullut suliffiusut qulit iluanni akeqquneqarput.